

صاحبی ، مدیری ، محرری :



آبونه بدلی :

سنه لکی ۱۰۰ غروش

آتی آیلنی ۵۰ »

اوج آیلنی ۲۵ »

مخبر

۱۳۳۸

اداره خانه بی :

شهرزاده باشنده (تعالی اسلام)

جمعیتی مرکز عمومی

مرکز توزیعی :

باب عالی جاده سنده (اتحاد

تجارت) کتبخانه بی

اسلامک نفقنه خادم مقالات

مع التشر قبول و درج اولونور

یازانک شخصیتی دکل : یازانک احمیتی
نظر دفته آلینیر .

دینی ، علمی ، ادبی ، اجتماعی و شمیریاتک شهری

مجموعه اسلامیه

کان یازیلردن شایان قبول کورولنار تاریخ
صیراسیله درج اولونور .

عدد : ۷

۱۳۳۹ جمادی الاولی سنه مخصوص نسخه

فی ۷ بوجوق غروش

مندرجات :

- مخبر دینی و علمی : دارالشفقه به معاونتک لزومی - طاهر المولوی . اجتماع و دین اسلامی عصر یاشدیرمک - محمد عاطف .
- غریبک روح حقنده کی تلقیاتی - احمد حمدی . براز انصاف ایتسه لر - نیازی فیروزی .
- مخبر تاریخی : جمادی الاولی والآخره - طاهر المولوی . عالم اسلامده خاندان علم و معرفت - محمد عزت و محمد عارف .
- مستجابی زاده عصمت بک - سعود المولوی .
- مخبر فنی : علم هیئتک مبدای - سعدی .
- مخبر ادبی : مناجات - یشار شادی . مرثیه - یشار شادی . ای جلوه لی سنجاق - سعود المولوی . برغزل - طاهر المولوی .
- علاوه : هند ماصالری .

ممتاز اولدی . بعده وساطت آدم و حوا ایله عالم صورت و شهادته هبوط ایدوب بحسب الاستعداد هربری صورت انسانیه ایله وجود عاریتی متلبس و سایه‌های کنکره کبی متعدد بالاجساد اولدی !...»

غزالینک بو فکری ، محی الدین عربی حضرتلرینک بوبابده کی فکرلرینه پک یقین در؛ همان عینی در . غزالیده محی الدین کبی «روحک تعینی جسد ایله اولیور؛ و بعد مفارقة الابدان جسد اولنده قازاندینی احوال و اوصاف ایله متعین اوله رق قالیور» دیمک ایستیور .

دها صکره جناب امام بو مقامه وارد اولان برسؤاله جواباً دیورکه : «روحک بدنه مقتدر اولمیه رق قوامی مشکل برشی دکل در؛ اصل مشکل اولان جهت، روحک بدنه تعلقی در . زیرا بو تعلق ناصل اوله بیلیرکه : روح ، اعراضک جواهره حلولی قیلندن اوله رق بدنه حلول ایتمش دکل در . چونکه روح ، کندی نفسی ایله قائم بر جوهر اولوب هم کندی ذاتی ، همده خالقنی ، خالقنک صفاتی بیلیر؛ و بویلیشنده حواس دن هیچ برشیته محتاج اولماز . [چونکه کلیاتی بالذات ادراک ایدور .] زیرا بو معارفدن هیچ برشی محسوس دکل در . انسان بدنه ملاسقی حالده بوتون محسوساتدن ، ارض و سما و سایر اجسامدن غافل اولدینی حالده ینه کندی ذاتی ، ذاتنک حادث اولدینی ، بر محدثه احتیاجنی معرفته مقتدر در . بر حالته محسوساتدن هیچ برشیئی وجدانا فرق و تفهیمه مقتدر دکل ایکن ذاتی تعقل ایتمش اولیور [۱]

شمدی غزالینک روح حقنده کی فکری خلاصه ایدو جک اولورسه ق ، شو نتیجهیه واصل اولورز : روح ، کمیت و مساحه آلتنه آله مایان برلطیفه مدرکه ربانیه در ؛ بر نور الهی در . بو نور الهی مکان و زماندن ، اجسامه یتشمکدن ، حلول و دخولدن منزهدر . بسیط و غیرقابل


[۱] غزالیده ابن سینا کبی ، روحک ادراک و تعقلنده بدنه محتاج اولدینی ، بناء علیه بعد مفارقة الابدان ینه بوضورتله بقاسنده مشکل اولدینی سویلیور ...

انقسام در ؛ روح نفسی و خالقنی بیلیر . روح ، اساساً غیر مخلوق ، باقی و بذاته قائم و واحد بر جوهر معنوی در . قبل تعلق الابدان جوهر واحد در ؛ کثرت و مغایرت یوقدر . فلانک و یا فلانک روحی دکل علی الاطلاق روخدر .

روح ، بدن اول موجود ایسه ده ارواح بشریه ، یعنی روحک ابدانه تعلقی بدنک حدوثی ایله برابر در .

[مابعدی وار] آفقه کیلی

احمد هدی



انسانلر انصاف ایتسه لر ...

دیار شرقده خنده استخفافله کوشه نسیانه آتیلان ، فقط ، قدرشناس غریبلرک ایدئی احترامنده دولاشان « مقامات » نده حریری مرحوم «لوانصف الناس لاستراح القاضی = انسانلر انصاف ایدرلرسه قاضی ده استراحت ایدر» دیمش .

اگر بو کون حال حیانه اولوب ، بزمه برابر - احوال حاضره نک چتینلکی دولایسیله - اولیای امورده کی رنگسزلکی مشاهده - ایتسه یدی : «لوعدل الناس لاستراح الافراد والشعوب = قطب سیاسیلر ؛ عدالتله حرکت ایدرلرسه افرادده ، ملتدرده استراحت ایدر .» حکمت سیاسیه سنی علاوه ایدردی .

معلوم آ! . انسانلر ؛ نظریاته پک دوشکوندلرلر . اونی آللاندیرلرلر ، پوللاندیرلرلر . تقدیس و تکریم ایدرلرلر . فقط اعماللرینه ، افعال حیاتیه لرینه تطبیقه کلنجه ؛ قرق دره دن صو کتیرلرلر . ملکات عقلیه و تجربه لرینی هوسات نفسانیه لرینه فدا ایدویورلرلر . تاریخی عبرتلری ؛ سیری المنام کبی تلقی ایدرلرلر .

سنه لرجه حضور و راحتنی ساب ایدره رک اکتساب علوم ایتمش عالمر ، سبجل احوال عمومیه بشری تدقیق ایدن سیاسیلر ، عضوایاتی تحلیل و تشریح ایدن طبییلر ، سجایای بشری تحقیق ایدن اجتماعیاتحیلر ، بشریتک موازنه

لغت ناجی ؛ بوتریکیرك ایضاحده :

«جمادی الآخره ، جمادی الاولی (۱) معروف ایکی آی .
(جمادی الاخره) (جمادی الاول) ستورتلرنده استعمالاری
غلطدر . بونلره (جمادی) اطلاقنه سبب ؛ هنگام تسمیهده
عربستانده انجماد وقومی ، یعنی یاغموورسزلقدن قاینالرك
قوروماسیدر ، دیور .

(اختری) مرحومده :

«الجماد : بالفتح جاسز وقورومش اولق ویغور یتمشدك
بر وشول بیلکه آنده یغور اولیه ، سنه جماد دیرلر . ومنه .
جمادی الاولی وجمادی الآخره بفتح الدال فیها «دیه زك ابتداسی
مضموم بولونان (جمادی) کلمه سنی (جماد) لفظندن
کتیروب مفتوح البدایه اولدیغنی سویلیورسهده یاکیلیور .
چونکه : امهات کتب لغت ؛ بونلرك ضم جیم ایله
باشلادیغنی خبر ویریور . مثلاً (وانقولی)

«الجمادی الاولی والجمادی الآخره : جیمک ضمی وداك
فتحی والف مقصوره ایله فعالی وزنده معروف آیلرك اسمیدر .
جمدن مأخوذدر «معلوماتی ، قاموس ترجمه سی ایسه
«جمادی : جاری [۲] وزنده شهر عربیه اسملرننددر ،
ایکی آیدر . بری جمادی الاولی ، بری جمادی الآخره در .
وبومعرفه ومؤشدرکه غیر منصرفدر . جمی جمادیات کاور .
قبل الاسلام جمادی الاولیه (جمادی خمس) وجمادی الآخریه
(جمادی سته) دیرلر ایدی ، محرمدن بشنجی و آلتنجی آی
اولق حبسیله . وقت اسلامده (اولی) و (آخره) به تبدیل
اولندی »

تفصیلاتی ویریور .

عید عاجزده ۱۳۱۲ سنه هجریه سی ایچنده یکی قاپی
مولو یخانیه سی شیخ آکاهی مرحوم محمد جلال الدین افندی
حضرتلرینه بالانابه طریق جلیل مولوی به انتسابه تاریخ
اولق اوزره یازدیغ :

بیک اوچ یوز اون ایکی سالی جمادی الآخره ایچره

جینسای دخالت اولدی طاهر باب ملایه

الهی لطف واحسانکله اول جوینده فیضک

کلاه بیعتی همپایه اولسون عرش اعلایه

[۲] جاری : حانک ضعیله در .

دائمه ایچنده ادامه حیاته چالیشان حقوقشناسلر ... برآز
انصاف ایتسه لر !! اوزلرینی ، سوزلرینه اویدورسه لر ! .
یاخود سوزلرینی ؛ اوزلرینه کوره سویلسه لر ... افرادده ،
میلترده برآز رفاه وسعادت یوزی کورسه ؟ .. فقط .
مهات !!

صدق مقالزه شاهد ایستیان ؛ انسانلرك احواله
دقلیجه باقسین ! مثلاً : قواعد صحیه نك ؛ عمر عزیزینی - اجل
موعودینه قدر - مرفهاً ادامه ایدده چکنی بیلن برانسان ؛
ینه «ام الحباثت» اولان مشروبات کتوله ایله معصوم
معهده سنه قدح ، قدح زهر آتار ! ویریلان نصایحی نظر
استخفاف ایله قارشیلار . تحریب ایتدیکی وجودینی ، اجرا
ایلدیکی جرمی کوره من ! .

زواللی بشر : زمزمه نظریات ایچنده بوغولور طورور .
«العدل اساس الملك» دستور جلیله توفیق حرکت
ایلدیجکه ؛ مشکلات حاضره عالمدن هیچ بر مسئله حل
ایدلش صایله ماز . قانون عدالته عرض انقیاد ایتیان
هر حکم ، محکوم زوالدر . بناءً علیه قاضی ده ، افرادده
استراحت یوزی کوره من .

۱۸ کانون اول ۱۳۳۶ نیازی فیروزی



محفل تاریخی

جمادی الاولی والآخره

اصطلاح نسوانده (بویوک توبه) ، (کوچک توبه)
ده نیان [۱] لسان تکلمدن (جمادی الاول) و (جمادی
الآخر) دییه ایشیدیلان (جمادی الاولی والآخره) دن
برنجیسی حلول ایتدی .

[۱] اسکی قادیلار ؛ عربی آیلرینی - محرمدن باشلامق
اوزره - شوبله صایارلردی :
عاشوره ، صفر ، بویوک مولود ، کوچوک مولود ، بویوک
توبه ، کوچوک توبه ، رجب ، شعبان ، رمضان ، شکر
بایرامی ، آراق ، قربان بایرامی .